

# Na drugi jatsowny swěžen a jatsowny tyžen

## BIBLISKI VOTUM – GRONO TYŽENJA

Kristus źejo: Ja běch wumarły, a lej, ja som żywy wót nimjernosći do nimjernosći, a mam te kluce teje hele a teje smjerši.

*Zjawjenje Jana 1, 18*

### EPISTOLA

w přédnem lisće Pawoła na Korintarjow we 15. stawje

<sup>12</sup> Gaž pak se wó Kristusu prjatkuj, až jo wón górzejstanuť wót wumarłych; kak mógu źedne mjazy wami groniś: Žedno górzejstawanje tych wumarłych njejo? <sup>13</sup> Gaž pak źedno górzejstawanje wumarłych njejo, ga njejo tež Kristus górzejstanuť. <sup>14</sup> Gaž pak Kristus górzejstanuť njejo, ga jo našo prjatkowanje pódermo a pódermo teke waša wěra. <sup>15</sup> A my by pótom byli falšne znanki Boga, dokulaž by pšešiwu Bogu znanili, až jo wón Kristusa zbužiť, kótaregož pak njeby zbužiť, gaby se wumarle njezbužili. <sup>16</sup> Gaž pak wumarliki se njezbuže, pótom teke Kristus njejo se zbužiť. <sup>17</sup> Njejo-li pak Kristus se zbužiť, ga jo waša wěra k nicomu, a wy sćo hyšći we wašych grěchach; <sup>18</sup> tak su teke te, kenž su we Kristusu zamřeli, zgubjone. <sup>19</sup> Nažejmy-li se we tom żywjenju jano na Kristusa, ga smy te nejžałosnejše mjazy wšymi ćłowjekami. <sup>20</sup> Něto pak jo se Kristus zbužiť wót wumarłych ako přédny mjazy tymi, kenž su wusnuli.

*1. Korintarje 15, 12–20*

## HALELUJA

Haleluja.

To jo ten źeń, ako ten KNĚZ wugótujo; wjaselmy se, a buźmy wjasołe na tom samem.

*Psalm 118, 24*

Haleluja.

Ten Kněz jo górzej stanůł, jo wót wěrnosći górzej stanůł.

Haleluja.

*Lukas 24, 6.34*

## EWANGELIUM

pla Lukasa we 24. stawje

<sup>13</sup> Dwa z wuknikow žěštej jatšy do jadneje jsy, ta běšo wót Jerusalema niži dwě gózinje zdalona, z mjenim Emaus. <sup>14</sup> A wónej se rozgranjaštej mjazy sobu wót wšykných tych tšojenjow. <sup>15</sup> A stanu se, ako se tak rozgranjaštej a wulicowaštej, ga se Jezus sam k nima pšibližy a z nima žěšo. <sup>16</sup> Ale jeju wócy buchu zakšyte tak, až wónej jogo njewuznaštej. <sup>17</sup> Wón pak žašo k nima: "Kake ga su to grona, kenž duce mjazy sobu wjezotej?" Na to wónej wóstaštej tužnje stojecy. <sup>18</sup> A jaden z njeju, z mjenim Kleofas, wótegroni jomu a žašo: "Sy ty ten jaden samy w Jerusaleme, ako njewě, co jo se we tych dnjach tam stało?" <sup>19</sup> A wón žašo k nima: "No, co ga?" Wónej pak gronjaštej jomu: "To z Jezusom Nacareńskim, kótaryž běšo profet, mócny we statkach a słowach pšed Bogom a wšyknym ludom; <sup>20</sup> kak su jogo naše wuše mjeršniki a wjedniki pšepowdali na zasuzenje k smjerši a jogo kšicowali. <sup>21</sup> My se pak nažejachmy, až jo wón ten, kenž by Israel wumógł. A wušej togo jo žinsa ten tšeši žen, až jo se to stało. <sup>22</sup> Teke někotare z našych žěńskich su nas wulěkali, ako su rano pši tom rowje byli, <sup>23</sup> jogo šěło njejsu namakali, su pšišli a gronili, až su wiželi janželsku pódobu, kótaraž groni, až wón jo žywy. <sup>24</sup> A někotare wót nas žěchu k rowoju a nadejžechu jen tak, ako žěńske běchu gronili; jogo pak njewižechu."

<sup>25</sup> A wón žašo k nima: "Och, wej njerozymnej, wej tupej wutšobje, cogodla njewěritej, což profety gronili su! <sup>26</sup> Njedejašo Kristus take šerpješ a do swójeje kšasności zajš?" <sup>27</sup> A wón zachopi pla Mojzasa a wšych profetow a wukładowašo jima, což běšo wó njom we celem Pismje gronjone. <sup>28</sup> A wóni pšibližachu se k tej jsy, ku kótarejž žěchu. A wón natšawašo se, ako by kšěl dalej hyś. <sup>29</sup> A wónej nuzkaštej jogo a gronjaštej: "Wóstań pši nama; pšeto wjacor se bližy a žen jo se póchylił." A wón zastupi, aby pši nima wóstał.

<sup>30</sup> A wóno se stanu, ako z nima za blidom sejžešo, weze wón ten klěb, žěkowašo se, łamašo jen a da jen jima. <sup>31</sup> Pši tom se jeju wócy wótwórištej a wuznaštej jogo. A wón se pšed nima minu. <sup>32</sup> A wónej powědaštej mjazy sobu: "Njepalašo-li se naju wutšoba, ako z nama powědašo na droze a nama Pismo wukładowašo?" <sup>33</sup> A wónej stanuštej we tej samej štunže, wrošištej se do Jerusalema a namakaštej zgromažonych tych jadasočoch

a tych, kenž z nimi běchu; <sup>34</sup> te začu: "Kněz jo se wót wěrnosći zbužił a Šymanoju se zjawił." <sup>35</sup> A wónej wulicowaštej jim, co jo se na droze stało a kak stej jogo wuznałej, ako ten klěb łamašo.

*Lukas 24, 13–35*

## MÓDLITWA

1. Wšogomócný Bog, kenž sy nam psez górzejstawanje twójogo Syna nimjerne żywjenje dał: Zwól nam, aby to z cełuju wutšobu wěрили, tebje chwalili a se tebje za to žěkowali, psez našogo Kněza Jezom Kristusa, twójogo Syna, kenž jo z tobu a ze swětym Duchom žywy a se kněžy wót nimjernosći do nimjernosći. Amen.
2. Njebjaski Wósc, ty sy Jezusa z wumarłych zbužił a sy jogo ako Kněza póstajił nad żywjenim a smjeršu. Pšosymy tebje: Napońń naše wutšoby z nažuju na twóje dobyše, aby našo żywjenje znaniło wó wěrje do njogo, našogo Kněza Jezusa Kristusa. Amen.